



PRAVILNIK
O DODJELI JEDNOKRATNIH NOVČANIH POMOĆI ISPRED SINDIKATA
KCUS

I OPĆE ODREDBE

Član 1.

Odredbe ovog Pravilnika se odnose na članove Sindikata KCUS-a, te određuju prava koja mogu ostvariti.

Član 2.

Sredstva za novčano pomaganje osiguravaju se solidarno iz sredstava članarine i ostalih prihoda koje Sindikat KCUS ostvari svojom aktivnošću.

Mjesečni fond za isplatu jednokratnih novčanih pomoći iznosi 1/2 od članarine prikupljene za taj mjesec.

Član 3.

Član Sindikata ostvaruje pravo na novčano pomaganje 180 dana od učlanjenja u Sindikat i to samo jednom u toku godine osim malignoma i multiplaskleroze.

Prednost pri ostvarivanju prava na jednokratnu novčanu pomoć ima član Sindikata koji prvi put ostvaruje pravo na to.

Član 4.

Član Sindikata koji neistinitim podatkom zloupotrijebi neko iz prava ovog Pravilnika, bit će isključen iz Sindikata na vremensko razdoblje ne manje od 2 godine, o čemu Odluku donosi predsjedništvo Sindikata.

II PRAVA KOJA PROISTIČU IZ FONDA SOLIDARNOSTI

Član 5.

Pravo na novčano pomaganje ostvaruje član Sindikata i to po slijedećim tačkama:

- za slučaj smrti člana Sindikata
- za slučaj bolovanja člana Sindikata
- za slučaj bolesti ili smrt djeteta članu Sindikata (do 18 godina)
- za slučaj plaćanja naknade participacije za bolničko liječenje člana Sindikata
- za slučaj odlaska u penziju člana Sindikata
- jednokratna pomoć povodom rođenja djeteta članu Sindikata

III USLOVI ZA DOBIVANJE JEDNOKRATNE NOVČANE POMOĆI

Član 6.

Za slučaj smrti člana Sindikata, članu porodice koji preuzima obaveze oko sahrane, isplatit će se jednokratna nepovratna pomoć u iznosu od 500,00 KM uz dostavu Zahtjeva i Izvoda iz knjige umrlih.

Član 7.

Za slučaj bolovanja koje traje neprekidno 90 dana, članu Sindikata se može isplatiti jednokratna nepovratna pomoć u iznosu od 300,00 KM uz dostavu Zahtjeva i potvrde ljekara (nalaza).

Nakon sljedećih 180 dana bolovanja član Sindikata može ostvariti ponovno pravo za novčanu pomoć na osnovu Člana 3. ovog Pravilnika.

U ovu kategoriju ne spadaju porodijska bolovanja.

Član 8.

Za slučaj bolesti djeteta (do 18 godina), članu Sindikata može se isplatiti jednokratna nepovratna novčana pomoć, zavisno od dijagnoze bolesti a najviše do 300,00 KM, uz Zahtjev i potvrdu ljekara (nalaze). Za slučaj smrti djeteta (do 18 godina) članu Sindikata se može isplatiti jednokratna novčana pomoć u iznosu od 500,00 KM uz dostavu zahtjeva i izvoda iz knjige umrlih.

Član 9.

Za slučaj plaćanja participacije bolničkog liječenja u zdravstvenim ustanovama u zemlji/inostranstvu, članu Sindikata se može isplatiti jednokratna novčana pomoć koja pokriva 30% participacije ali ne više od 400,00 KM, uz dostavu Zahtjeva i računa o plaćenju participaciji. U koliko je liječenje bilo u inostranstvu potrebno je dostaviti i odgovarajuće odobrenje ljekara KCUS-a za to liječenje.

Član 10.

Za slučaj odlaska u penziju, članu Sindikata isplatiće se jednokratna nepovratna novčana pomoć u iznosu od 300,00 KM uz dostavu Zahtjeva i potvrde o odlasku u penziju (raskid Ugovora o radu ili rješenje PIO/MIO).

Član 11.

Povodom rođenja djeteta, članu Sindikata isplatiće se jednokratna nepovratna pomoć u visini od 200,00 KM uz dostavu Zahtjeva i rodnog lista. Zahtjev poslati najkasnije 3 mjeseca po rođenju djeteta.

Član 12.

U koliko su supružnici članovi Sindikata pravo na jednokratnu novčanu pomoć ostvaruje samo jedan od supružnika (po Članu 8 i 11 ovog Pravilnika pravo ostvaruje jedan od roditelja).

Član 13.

Sve druge pomoći koje nisu obuhvaćene ovim Pravilnikom, Odluku donosi Predsjedništvo Sindikata uz predhodni prijedlog Komisije za dodjelu jednokratnih novčanih pomoći.

IV NAČIN RJEŠAVANJA ZAHTJEVA

Član 14.

Zahtjeve shodno uslovima ovog Pravilnika dostaviti putem službe Protokola Sindikatu KCUS-a. Komisija za dodjelu jednokratnih pomoći je dužna razmotriti svaki slučaj traženja pomoći iz ovog Pravilnika, i predložiti Predsjedništvu Sinidkata iznose za isplatu, kako bi Predsjedništvo donijelo Odluku o isplati istih. Zahtjevi se zaprimaju u toku tekućeg mjeseca.

Član 15.

Rješen(e) zahtjev(e) sa dokumentacijom (kopijom) dostaviti u roku od 7 dana Predsjedništvu Sindikata.

V ZAKLJUČNE ODREDBE

Član 16.

Ovaj Pravilnik je sastavni dio Statuta Sindikata i svi članovi Sindikata moraju, na odgovarajući način biti upoznati sa njegovim sadržajem.

Član 17.

Izmjene i dopune ovog Pravilnika obavljaju se na isti način kao i njegovo donošenje.

Član 18.

Tumačenje odredbi ovog Pravilnika daje Predsjedništvo Sindikata.

Član 19.

Ovaj Pravilnik stupa na snagu danom donošenja.

PREDSJEDNICA SINDIKATA

Mr. Sci. Dženana Hrustemović dipl. med. ses.



Ime i prezime _____
OJ _____
Adresa _____
JMBG _____
Naziv poslovne banke _____
Kontakt broj _____

SINDIKAT KLINIČKOG CENTRA UNIVERZITETA U SARAJEVU ZAHTEJ ZA JEDNOKRATNU NOVČANU POMOĆ

1. Smrt člana Sindikata KCUS (zahtjev i izvod iz knjige umrlih).....500,00KM
2. Za slučaj bolovanja bolovanja člana Sindikata koje traje neprekidno 90 dana (zahtjev i
ljekarski nalazi).....300,00KM
(Nakon sljedećih 180 dana bolovanja člana Sindikata pravo ostvaruju članovi Sindikata na osnovu
člana 3. Pravilnika o jednokratnim novčanim pomoćima)
3. Za slučaj bolesti djeteta (do 18 godina, zahtjev i ljekarski nalazi).....300,00KM
4. Za slučaj smrti djeteta (do 18 godina, zahtjev i Izvod iz knjige umrlih).....500,00KM
5. Za slučaj odlaska u penziju člana Sindikata (zahtjev i raskid ugovora o radu).....300,00KM
6. Za slučaj rođenja djeteta članu Sindikata (zahtjev i rodni list djeteta).....200,00KM
(zahtjev poslati najkasnije 3 mjeseca po rođenju djeteta)
7. Za sve druge pomoći

Uz zahtjev prilažem dokumentaciju _____

U _____

Datum _____

Podnosilac zahtjeva

